



Broj: 28-01-30-139/26
Sarajevo, 31.08.2026. godine

Na osnovu člana 28. Zakona o državnoj službi u Kantonu Sarajevo („Službene novine Kantona Sarajevo, br. 31/16, 45/19 i 6/25), člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), direktorica Kantonalnog zavoda za pružanje besplatne pravne pomoći Kantona Sarajevo, donosi

RJEŠENJE

državnoj službenici u Kantonalnom zavodu za pružanje besplatne pravne pomoći Kantona Sarajevo, raspoređenoj na radno mjesto Stručnog savjetnika – pravnog zastupnika za upravno i građansko pravo u Sektoru za upravno i građansko pravo, osnovna plaća radnog mjesta na kojem je raspoređena uvećava se za procenat 5%, zbog privremenog obavljanja određenih poslova radnog mjesta Stručnog saradnika za upravno rješavanje u Sektoru za pravne, finansijske i opšte poslove, za period 17., 19., 21., 24., 25., 27. i 31.08.2026. godine (7 radnih dana).

Obrazloženje

Zaposlenica Kantonalnog zavoda za pružanje besplatne pravne pomoći, državna službenica, raspoređena na radno mjesto Stručnog savjetnika – pravnog zastupnika za upravno i građansko pravo u Sektoru za upravno i građansko pravo zbog korištenja godišnjeg odmora izvršioca posla u mjesecu augustu 2026. godine, pored poslova radnog mjesta na koje je raspoređena, privremeno je obavljala i određene poslove Stručnog saradnika za upravno rješavanje u Sektoru za pravne, finansijske i opšte poslove, i to poslove određene članom 18. stav (2) tačka e) Pravilnika o unutrašnjoj organizaciji Kantonalnog zavoda za pružanje besplatne pravne pomoći („Službene novine Kantona Sarajevo“, broj 28/26).

Odredbama člana 60. stav (3) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), propisano je da će rukovodilac organa državne službe donijeti rješenje kojim se osnovna plaća državnog službenika ili namještenika uvećava za procenat do 20% za period u kojem, pored poslova svog radnog mjesta, privremeno obavlja poslove drugog radnog mjesta, pod uslovom da ispunjava propisane uslove za obavljanje poslova tog radnog mjesta čije poslove obavlja, dok je stavom (5) propisano da rješenje iz st. (3) i (4) ovog člana mora sadržavati opis poslova koji se privremeno obavljaju, procenat uvećanja osnovne plaće i period za koji se uvećanje odobrava.

Stavom (6) istog člana propisano je da kada državni službenik ili namještenik obavlja poslove drugog radnog mjesta, da se rješenje donosi za svaki mjesec pojedinačno, dok je stavom (8) propisano da

ukoliko više državnih službenika ili namještenika privremeno obavljaju poslove iz st. (3) i (4) ovog člana, ukupno uvećanje osnovne plaće po tom osnovu ne može biti veće od 20%.

Shodno navedenom, u skladu sa odredbama člana 60. stav (3), (5), (6) i (8) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije BiH, u roku od 15 dana od dana prijema rješenja, koja ne odlaže izvršenje rješenja.

DIREKTORICA



Pripremila: Emina Sarajčić, pravnik

Kontrolirala: Vedrana Remović, dipl.pravnik

Dostaviti:

1. Imenovanj,
2. Odjeljenju za COP,
3. U personalni dosije,
3. Sektor za pravne, finansijske i opšte poslove i
5. Arhivi